




WEEKLIKSE

11 JUNIE 2020

# PITKOS

PITKOS

# INHOUD



## Weer

- Plaaslike weervoorsigte
- Weervoorsigte vir Noord-Amerika



## Pariteite

Invoer- en uitvoerpariteite van geelmielies



## Internasionale landbou

- Fokus op Afrika: Egipte
- VSA: aanplantingsvordering



## Plaaslike landbou

- In- en uitvoer van mielies
- Produsentelewerings



## Wisselkoers

Oorsig oor die ZAR en VSA dollar-beweging



## Nuus

Nasionale- en Internasionale nuus




## Prys-risikobestuur

Minimum/Maksimum opsie-strategie



PLAASLIKE  
**WEER**



**Veertien-dae weervoorsig:**


Droë en koue weer word vandeeweek vir Suid-Afrika voorspel. Daar word egter reën vir die Wes-Kaap voorspel, maar dit sal geen negatiewe impak op die graanmark hê nie.




## Noord-Amerika:

Die nuutste maandelikse weervoorsigte vir die VSA dui steeds op hoë temperature en ondergemiddelde reënval vir Junie 2020.

Die droë, warm weer wat in die vooruitsig is, sal die nuut-aangeplante graan onder druk plaas en opbrengste verlaag.



# INVOER- EN UITVOER- PARITEITE



	JUL '20	SEP '20	DES '20	MAR '21
PMB-invoerpariteit	R3 236	R3 368	R3 500	R3 552
Kaap-invoerpariteit	R2 975	R3 097	R3 167	R3 232
SAFEX geelmielies	R2 558	R2 608	R2 688	R2 715
Uitvoerpariteit	R2 467	R2 487	R2 538	R2 641






## FOKUS: Egipte

Mielies:

Bron: AMIS

Vraag en aanbod - Mielies



	2018/19	2019/20-skatting	2020/21-vooruitskatting
Totale aanbod	17,8	18,55	19,3
Beginvoorraad	1,6	1,4	1,8
Produksie	7,3	7,45	7,5
Invoere	8,9	9,7	10
Totale verbruik	17,8	18,55	19,3
Plaaslike verbruik	16,4	16,75	17,45
Voedsel	4,15	4,2	4,25
Diereverbruik	11,65	11,95	12,6
Ander	0,6	0,6	0,6
Uitvoere	0	0	-
Eindvoorraad	1,4	1,8	1,5



## VSA: Aanplantingsvordering soos op 08 Junie 2020

Mielies: Vorige jaar  
= 78%

---

Vorige week  
= 93%

---

Huidige week  
= 97%

---

5-jaar gemiddeld  
= 94%

---

Sojabone: Vorige jaar  
= 54%

---

Vorige week  
= 75%

---

Huidige week  
= 86%

---

5-jaar gemiddeld  
= 79%

---




2020/21 seisoen

## Witmielies

- Uitvoer = 95 617 t
- **Vorige week = 24 275 t**
- Invoer = 0 t

## Geelmielies

- Uitvoer = 103 317 t
- **Vorige week = 33 461 t**
- Invoer = 0 t
- **Vorige week = 0 t**






PLAASLIKE  
**LANDBOU**





**Kumulatiewe oliesade-produsentelewerings soos op 05 Junie**



# PLAASLIKE LANDBOU



## Kumulatiewe mielie-produsentelewerings soos op 05 Junie





## DOLLAR - RAND CHART



Die rand het teen laat Donderdagmiddag, 11 Junie, weer bo die vlak van R17,00 gestyg, nadat die Suid-Afrikaanse geldeenheid in die afgelope week konstant onder die weerstandsplafon van R17,00 verhandel het en selfs R16,40 teenoor die VSA dollar bereik het. Die wisselkoers kan toegeskryf word aan die somber ekonomiese vooruitsigte in Amerika, wat die wêreld ekonomie onder druk plaas.



## Zambië en Suid-Afrika hou internasionale spelers uit Afrika

Daar is sommige lande in Afrika, soos Kenia en Zimbabwe, wat weereens in die huidige invoerjaar mielies sal moet invoer. Dit is toe te skryf aan 'n afname in produksie en 'n toename in totale vraag. In Zimbabwe was die totale produksie slegs 907 000 ton. Dit is aansienlik minder as die land se jaarlikse verbruik wat op 2 miljoen ton staan. Dit beteken dat die land meer as 1 miljoen ton sal moet invoer om die tekort aan te vul. Sowel Suid-Afrika as Zambië het baie goeie oeste gehad en is dus in 'n goeie posisie om aan die behoefte te voldoen, en uitvoergeleenthede weg te raap van tradisionele verskaffers soos Brasilië, die VSA en die Oekraïne.

Lees meer by:

<https://www.businesslive.co.za/bd/opinion/columnists/2020-06-09-wandile-sihlobo-sa-and-zambia-able-to-replace-global-producers-maize-exports-to-neighbours/>

### **Mening:**

Uitvoere na ons buurlande sal plaaslike graanpryse ondersteun en die mieliebalansstaat verklein.



## Skaapvleispryse in die Oos- Kaap kan onder druk kom

Die Oos-Londense lewendehawe-uitvoermaatskappy, Al Mawashi, is deur 'n interdik, ingedien deur die Dierbeskermingsvereniging (DBV), gedwing om alle uitvoere van lewende hawe tydelik te staak. Die verskeping van meer as 72 000 skape wat vir die Midde-Ooste bestem was, word hierdeur geraak. Volgens Agri Oos-Kaap sal die vraag na die produk daal, wat pryse negatief sal affekteer.

Die DBV beoog om die uitvoer van lewende hawe permanent stop te sit, wat 'n groot ekonomiese impak op die Oos-Kaapse landbousektor sal hê.

Lees meer by:

<https://www.netwerk24.com/landbou/Nuus/oos-kaap-al-mawashi-interdik-kan-skaapvleispryse-beinvloed-20200611>

### **Mening:**

Indien die uitvoere van lewende hawe permanent tot stilstand gebring word, sal plaaslike vleispryse daal, wat produsente onder hewige druk sal plaas.



## Seisoenale weervoorsig

Die El Nino-Suidelike Oosillisie dui op 'n swak El Nino-sisteem, wat neig na neutraal vir Junie - September. Dié sisteem beteken dat daar oor die volgende paar maande min reën oor Suid-Afrika sal voorkom. Die multi-model, wat reënval vir middel-winter asook laat-winter voorspel, dui daarop dat bo-gemiddelde reënval oor die suid-westelike dele asook die weste van die land kan voorkom, terwyl die res van Suid-Afrika droë en koue weer kan ervaar. Onder-normale minimumtemperatuur word veral vir die noord-ooste van die land voorspel.

### **Mening:**

Goeie reënval in die suide en weste van die land sal die wintergraan ondersteun en produksie verhoog.



# OPSOMMING

- Droë, warm weer in die VSA sal die nuut-aangeplante graan onder druk plaas, wat CBOT-pryse asook plaaslike SAFEX-pryse sal ondersteun.
- Slegs 85% van Suid-Afrika se sojaboonprodusentelewerings is reeds gelewer, en die akkuraatheid van die NOK se produksieskattings word nou betwyfel.
- Die rand verhandel swakker weens swak wêreldwye ekonomiese prestasie, wat plaaslike graanpryse sal ondersteun.

# RISIKOBESTUUR

PRYS



## Lang verkoopopsie - strategie



### Wat is 'n lang verkoopopsie ("put opsie")?

Die koper van 'n verkoopopsie koop die reg om voor die vervaldatum 'n lang verkoopopsie teen 'n vasgestelde trefprys ("strike price") uit te oefen. Om die opsie te koop, betaal die koper 'n premie.

### Wanneer is die beste tyd om 'n lang verkoopopsie-strategie uit te oefen?

Die beste tyd om 'n verkoopopsie uit te oefen, is wanneer die koper van 'n verkoopopsie glo die graanprys het 'n hoogtepunt bereik, en verwag dat die markprys oor die lang termyn sal daal. Die koper sal dus geld verdien indien die graanprys laer as die vasgestelde trefprys verhandel.

### Wat as die graanprys op vervaldag hoër as die vasgestelde trefprys sluit?

Indien die graanprys egter hoër as die trefprys is, verbeur die opsiekoper die premie waarteen die verkoopopsie aangekoop is.

### Strategiekoste

Die koste van die verkoopopsie is afhanklik van die vlak waarteen die opsie aangekoop is.

### Voorbeeld

Indien koper A sy graan teen 'n trefprys van R2 460/t vasmaak en die verkoopopsie aankoop teen 'n premie van R155/t, en die graanprys daal tot R2 200/t, sal die koper geld maak deur die verkoopopsie uit te oefen.

Die koper maak dan 'n wins van R260/t ( $R2\ 460 - R2\ 200 = R260/t$ ) wanneer hy sy verkoopopsie uitoefen. Na aftrekking van die R155/t premie is die nettowins R 105/t ( $R260 - R155 = R\ 105/t$ ).

Sou die trefprys hoër wees as die verkoopopsie van R155/t, byvoorbeeld R2 300/t, sal die lang verkoopopsie verval en die enigste koste vir die koper sal die verkoopopsiepremie van R155/t wees.

Bulk Grain Trade and Supply

# Safeguarding Prosperity

## in Southern Africa

Sourced, exported  
and delivered - directly  
to you.

Servicing the  
agricultural commodity  
trade and grain  
processing  
communities with pride,  
since 2002.

A trusted expert on  
the JSE (Safex),  
specialising in  
hedging services.

Proudly delivering  
quality raw materials  
to millers and  
processors.



Wheat



White Maize  
Yellow Maize



Sunflower Seeds  
Sunflower Oil Cakes  
(vegetable protein)



Soya Bean  
Soya Bean Oil Cakes  
(vegetable protein)

Our grains are promptly delivered to our  
clients' doorsteps for refining and processing.

Contact us today on +27 (0)13 243 1166 or visit [www.randagri.co.za](http://www.randagri.co.za)



**RANDAGRI**

# KONTAK ONS



“Don’t count the days, make  
the days count.”  
-Muhammed Ali



Tel: +27 (0) 13 243 1166

E-pos: [info@randagri.co.za](mailto:info@randagri.co.za)

Web: [www.randagri.co.za](http://www.randagri.co.za)

Adres: 24 Samora Machelstraat,  
Middelburg, Mpumalanga

